

هو انتي ليه ماسامحتينيش؟

محمد عبد المقصود - 23 يناير 2010، ساربروكه

هو انتي هي؟ ولا حلم؟
هي العيون! انتي أكيد
نفس الكيان المبتسم
!ما فهمش ليه قلبي سعيد
!معقولة بعد العمر ده، أنا لسه ... ؟ لأ! دا شئ بعيد
ناسياني طبعاً ... فاكدة ايام البريد؟
!كان كل يوم ايميل¹ جديد
!محتفظة بيهم يا ترى؟
²طب فاكدة ايام الامتحان؟ كيميا ومات
!كنتي كده متوترة
!مع ان ناسك دول مثال في قلة الاكتراث ... اخر برود
!بس انتي لأ! مش زيه! متغيرة، من غير حدود
!لو بس يوم من دول يعود ... طبعاً محال
!!بس السؤال: هو انتي ليه ماسامحتينيش؟

أنا قلت لك ... بعدين في أكثر من جواب
اني في لحظة ضعف قلت كلام غريب
!انتني افكرتية انسحاب
... ما هو ابن آدم شئ عجيب
!ساعات يجيب بايديه لأيامة العذاب
بس انتي زعلك كان رهيب
!وقت الحساب ما رحمتينيش
!مهما اعتذر ما بتغفرينيش

لو كنتي بس قلتي اه
!كان ممكن الانسان يعود
!ما هو أصلك انتي ما تعرفينيش
!بعد الفراق ... أصبحت تقريبا هباء
!ما فضلش مني الا جسم ... وروح ما فيش
!مخلوق جريح
!لكن وبعد العمر ده ... ما فضلشي شئ
!انسني خلاص
!استيكة مسحت شخبطة بقلم رصاص
قولي لي: عندك بيت مريح؟
والحلوة دي بتك صحيح؟
!!ولو سمحتي، بالصرح: هو انتي ليه ماسامحتينيش؟

... دلوقتي عاوزة تروّحي؟ طيب خلاص
اسف لأنني رغيت كثير، حتى كمان صوتي اتبح
!تفضلني
وان كنتي عايزه، امسحي شخصي الفقير
!من كل ذكرى، اتخيلي ... اني شبح
!جني! وانتني ما شوفتنيش .. ما قابلتينيش
!علشان في يوم ما سامحتينيش!

1 E-Mail

2 Math. = Mathematics